



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-I/25-3-40-333-3/21**
Datum: **09.09.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica „Mujanovići“ d.o.o. Vogošća, za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme krupne i sitne stoke i proizvodnju sira sa pratećim objektima, izgrađene u naselju Kadarići, općina Ilijaš, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu „Mujanovići“ d.o.o. Vogošća, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada farme krupne i sitne stoke i proizvodnju sira sa pratećim objektima, izgrađene u naselju Kadarići, općina Ilijaš, kapaciteta 560 grla krupne i sitne stoke, na zemljištu označenom kao k.č. broj: 38, 41, 85/1, 85, 85/2, 32, 31/1, 30/1, 28/1, 27/1, 26/1 i 25/1 K.O. Kadarići, Ilijaš .
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenim uviđajem na objektu, pod slijedećim uslovima:
 - 3.1. Da korisnik, obezbijedi da se sistem za prikupljanje i zbrinjavanje otpadnih voda nastalih u procesu rada farme krupne i sitne stoke i proizvodnju sira sa pratećim objektima, izgrađene u naselju Kadarići, općina Ilijaš, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite vode za piće, a u cilju zaštite podzemnih i površinskih voda.
 - 3.3. Otpad koji nastaje u postupku rada farme krupne i sitne stoke i proizvodnju sira sa pratećim objektima, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
 - 3.4. Da se čišćenje i pražnjenje vodonepropusnih septičkih jama bez preliva, u koju se zbrinjavaju tehnološke otpadne vode od pranja objekta i opreme za privremeno skladištenje mlijeka i proizvodnje sira, vrši pravni subjekt ovlašten za tu vrstu djelatnosti, prema posebnom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja septičkih jama, neophodno je voditi službenu evidenciju i arhivu.
 - 3.5. Da se privremeno i konačno zbrinjavanje otpada i nusprodukata koji nastaju u postupku rada farme krupne i sitne stoke i proizvodnju sira sa pratećim objektima, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
 - 3.6. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, smanjila upotreba vode za pranje a samim tim i produkcija otpadnih voda.
 - 3.7. Da se kod pranja koriste sredstva koja su prikladna okolinskim zahtjevima.
 - 3.8. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 3.9. Sadržaj (mulj) iz septičkih jama i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.11. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.12. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. U periodu važenja ove dozvole, Korisnik je dužan provoditi sve mjere i aktivnosti propisane istom.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „Mujanovići“ d.o.o. Vogošća, pismenim zahtjevom bez broja dana 23.07.2021 godine, zatražilo je izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme krupne i sitne stoke i proizvodnju sira sa pratećim objektima, izgrađene u naselju Kadarići, općina Ilijaš, kapaciteta 560 grla krupne i sitne stoke, na zemljištu označenom kao k.č. broj: 38,41, 85/1, 85, 85/2, 32, 31/1, 30/1, 28/1, 27/1, 26/1 i 25/1 K.O. Kadarići, Ilijaš.

U provedenom postupku dostavljena je i pregledana sljedeća dokumentacija:

A. Opšta dokumentacija:

- Rješenje o izmjenama podataka u sudskom registru broj: 065-0-Reg-19-005318 od 22.11.2021. godine, izdatog od strane Općinskog suda u Sarajevu - ovjerena kopija,
- Uvjerenje o poreznoj registraciji izdato 15.10.2002.godine, od strane Porezne uprave – Kantonalni ured Sarajevo - ovjerena kopija,
- Ovjerena kopija uvjerenja o poreskoj registraciji, broj: 04/1-UPP/1-7892/07 od 01.08.2007. godine, izdato od strane Uprave za indirektno- oporezivanje Banja Luka,
- Kopija uplatnice administrativne takse i biljega,
- Posjedovni list broj 252, broj: 06/2-26-794/21-3 od 05.03.2021 godine izdat od strane Službe za imovinsko-pravne poslove, geodeske poslove i katastar, Općina Ilijaš - ovjerena kopija,
- Rješenje o urbanističkoj saglasnosti za objekat za proizvodnju sira broj: 05/1-23-730/17 od 15.08.2017 godine izdato od strane Službe za prostorno uređenje i zaštitu okoliša, Općina Ilijaš,

- Rješenje o odobrenju za građenje za objekat za proizvodnju sira broj: 05/1-23-2366/17 od 21.02.2018. godine izdato od strane Službe za prostorno uređenje i zaštitu okoliša, Općina Ilijaš,
- Rješenje o urbanističkoj saglasnosti za objekat za držanje krupne stoke broj: 05/1-23-1904/17 od 25.11.2017 godine izdato od strane Službe za prostorno uređenje i zaštitu okoliša, Općina Ilijaš,
- Rješenje o izmjeni rješenja o urbanističkoj saglasnosti za objekat za držanje krupne stoke broj: 05/1-23-3206/18 od 04.10.2018. godine izdato od strane Službe za prostorno uređenje i zaštitu okoliša, Općina Ilijaš,
- Rješenje o odobrenju za građenje za objekat za držanje krupne stoke broj: 05/1-23-3266/18 od 05.10.2018. godine izdato od strane Službe za prostorno uređenje i zaštitu okoliša, Općina Ilijaš,
- Rješenje o urbanističkoj saglasnosti za objekat za držanje muznih krava broj: 05/1-23-4040/12-1 od 29.04.2013. godine izdato od strane Službe za prostorno uređenje i stambeno - komunalne poslove, Općina Ilijaš,
- Rješenje o odobrenju za građenje za objekat za držanje muznih krava broj: 05/1-23-2046/13 od 06.08.2013. godine izdato od strane Službe za prostorno uređenje i stambeno - komunalne poslove, Općina Ilijaš,
- Rješenje o urbanističkoj saglasnosti za smještaj i sušenje žitarica broj: 05/1-23-3342/14 od 16.12.2014 godine izdato od strane Službe za prostorno uređenje i stambeno-komunalne poslove, Općina Ilijaš,
- Rješenje o odobrenju za građenje za objekat za smještaj i sušenje žitarica broj: 05/1-23-4109/14 od 31.12.2014 godine izdato od strane Službe za prostorno uređenje i stambeno-komunalne poslove, Općina Ilijaš,

B. Tehnička dokumentacija:

- Glavni projekat rekonstrukcije, dogradnje i promjene namjene objekta u tradicionalnu proizvodnju sira, urađen od strane „Blackandwhite“ d.o.o. Sarajevo, oktobar 2017. godine,
- Glavni projekat gospodarskog objekta investitora „Mujanovići“ d.o.o. Vogošća, urađen od strane „Ambienta“ d.o.o. Sarajevo,
- Glavni projekat gospodarskog objekta za držanje krupne stoke investitora „Mujanovići“ d.o.o. Vogošća urađen od strane „FOCUS“ d.o.o. Sarajevo, septembar 2018. godine,
- Izvedbeni projekat za objekat za uzgoj sitne stoke urađen od strane „Tehno-biro“ d.o.o. Tuzla, novembar 2000. godine,
- Projekat izvedenog stanja objekta za smještaj i sušenje žitarica, urađen od strane „Saraj inženjering“ d.o.o. Sarajevo, septembar 2014. godine,
- Projekat izvedenog stanja vanjskih instalacija kanalizacije farme krupne i sitne stoke i proizvodnje sira u Kadarićima, Ilijaš, investitora „Mujanovići“ d.o.o. Vogošća, urađen od strane „ES HYDROTECHNICS“ d.o.o. Sarajevo, juli 2021 godine,
- Glavni-izvedbeni projekat – objekat za smještaj 99 muznih krava (izmuzište 2 robota) investitora „Mujanovići“ d.o.o. Vogošća, urađen od strane „Saraj-inženjering“ d.o.o. Sarajevo, novembar 2011 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine F BiH», broj: 31/15, 55/19 i 41/20), izvršen je obilazak predmetne lokacije i tom prilikom sačinjen zapisnik o uviđaju broj: UP-I/25-3-40-333-2/21 od 08.09.2021. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Farma sitne i krupne stoke i objekti za proizvodnju sira i mliječnih proizvoda pravnog lica „MUJANOVIĆI“ d.o.o. Vogošća, nalazi se u naselju Kadarići, općina Ilijaš, na površini od 1,86 ha. Lokacija predmetne farme se nalazi između rijeke Bosne i autoceste. Udaljenost predmetne farme od vodotoka rijeke Bosne je 100 m a od autoceste 40 m. Trenutno se na farmi nalazi 560 grla krupne i sitne stoke od čega je 300 junadi, 60 ovaca, 50 jagnjadi, 80 muznih krava, 40 junica i 30 teladi. Dnevno se proizvede cca 1500 litara mlijeka koje se prerađuje na predmetnoj lokaciji u pavlaku, kajmak i razne vrste sireva.

Po izjavi podnosioca zahtjeva planirano je povećanje kapaciteta farme na 700 grla i proizvodnja mlijeka na 3000 l/dan.

Kompleks farme muznih krava čine cjeline i to: upravna zgrada, objekat za smještaj muznih krava (proizvodni pogon), objekat za prihvata mlijeka i izmuzište sa praonicom muzilica (laktofrizi), 2 objekta za smještaj krupne stoke, štala za tov bikova, štala za sitnu stoku-ovčara, objekat za smještaj i sušenje žitarica i stacionar sa lječilištem i porodilištem, silažni prostori - otvoreni boksovi za silažu, skladišta i silosi stočne hrane, sirana, plato za mehanizaciju, 2 lagune za tečnu fazu i đubrivo, đubrenik, saobraćajne i manipulativne površine i dr.

Tehnološke otpadne vode iz svih objekata za smještaj krupne i sitne stoke se prikupljaju odvojenim sistemom kanala i upuštaju u vodonepropusne osočare bez preliva na dva lokaliteta. Ispred objekta za muzne krave se nalazi podzemna laguna tečne faze i đubreta zapremine $V=150 \text{ m}^3$. Druga laguna se nalazi ispred objekta porodilišta, zapremine $V=90 \text{ m}^3$. U ove osočare se upušta i dio oborinskih voda sa određenih objekata radi gustoće osoke. Lagune se povremeno prazne i odvoze na poljoprivredno zemljište.

U objektima u kojima je smještena ostala krupna i sitna stoka (junad, junice, telad i ovce) nastaje kruti otpad koji se mašinski čisti te mehanizacijom odvozi i privremeno odlaže u đubrenku na predmetnoj lokaciji. Uvidom u projekat izvedenog stanja, urađen od strane „ES HYDROTECHNICS“ d.o.o. Sarajevo, juli 2021 godine i prilikom uviđaja, utvrđeno je da se đubrenka – suha laguna, nalazi pored objekta za uzgoj priplodnih junica (objekat za smještaj krupne stoke). Na prostoru za odlaganje đubriva izvedena je betonska podna ploča i ista je natkrivena tako da je onemogućen uticaj oborina na odloženi kruti otpad - đubrivo. Nakon sazrijevanja đubrivo se odvozi na poljoprivredne površine.

Tehnološke otpadne vode koje nastaju u procesu održavanja higijene muzilica i laktofriza se zajedno sanitarnim odvoze u septičku jamu bez preliva. Čišćenje septičke jame se vrši od strane ovlaštene firme.

Tehnološke otpadne vode koje nastaju u procesu pravljenja sira i obrade mlijeka se sa sanitarnim vodama odvoze u septičku jamu bez preliva.

Sirutka se pakuje u plastičnu burad te se koristi kao dodatak u ishrani tovnih junadi.

Oborinske vode nastaju na površinama internih saobraćajnica između štala i drugih objekata kompleksa farme, a koje se koriste isključivo za komunikaciju, odnosno za odvoz i dovoz robe. Ove vode se smatraju nezagađenim i iste prikupljaju kanalima i slivnicima, te cjevovodom odvoze i ispuštaju u dva upojna bunara na predmetnoj lokaciji.

Obrada mesa, kao i klanje se ne vrši na predmetnoj lokaciji.

Mlijeko se privremeno skladišti u prostoriji za laktofriz. Prerada mlijeka u razne vrste sireva se vrši na predmetnoj lokaciji u objektu sirane.

Po izjavi podnosioca zahtjeva i uvidom u projektnu dokumentaciju, općina Ilijaš je uradila Glavni projekat odvodnje fekalnih voda za naselje Kadarići te nakon realizacije istog izvršit će se uklanjanje septičkih jama i priključenje na sanitarno-fekalni kolektor.

Prilikom uviđaja utvrđeno je da se vrši uređenje korita rijeke Bosne na predmetnoj lokaciji.

Predmetni objekti su smješteni izvan granice vodnog dobra.

Podnosilac zahtjeva je pribavio dozvole za objekte izgrađene na predmetnoj lokaciji.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati prilikom korištenja farme krupne i sitne stoke i proizvodnju sira sa pratećim objektima, a sve u skladu sa odredbama članova 20., 53. i 116. Zakona o vodama, članom 13. Pravilnika o sadržaju, obliku, uvjetima i načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „Mujanović“ d.o.o. Vogošća, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Behija Ahmedić, dipl.inž.tehn.

29 - Po ovlaštenju
Rukovodilac sektora za izdavanje
vodnih akata



[Signature]
Haris Ališehović, dipl.inž.građ.

Dostaviti:

- „Mujanović“ d.o.o. Vogošća, Novi rezervoar 24, Vogošća (Prilog-Tehnička dokumentacija navedena pod tačkom B obrazloženja Rješenja)

⊖ AVP Sava, ISV-vodna knjiga

- Org.jed. 50

- Org.jed. 40-arhiva

- Oglasna tabla AVP Sava Sarajevo